

զընկացին աւելացնում է և այն թէ «յերիս տեղիս
ի քեզ կազմեալ շինեցաւ շիրիմ հանգստարանի և
սուրբ մարմնոյ նշխարաց տեղի և տապան գերեզ-
մանի»։ Աչքի առաջ ունենալով, որ Երզնկացու յի-
շած այս երեք շիրիմներից մէկը Թորդանումն է
և միւսը Մանեայ Այրի մօտ այն դարակը, որի
վերայ Գրասխանակերտցու հրամանով եկեղեցի շի-
նուեցաւ և այժմ Հանգիստ Ս. Լուսաւորչի է կոչ-
վում, մնում է որոշել երրորդ շիրմի տեղը, որ մեզ
անծանօթ է։ Սեպուհի ստորոտներում քսան և չորս
վանք է եղել, որոնք այժմ գրեթէ ամայի են և
մեծ մասը կիսակործան. նոցա մէջ առաջին և նշա-
նաւոր տեղը բռնում է Աւագ վանքը, որ հիմնել է,
ըստ աւանդութեան, Ս. Թադէոս առաքեալն և
ընդարձակել է Ս. Գրիգոր, այդ վանքի եկեղեցի-
ներից մէկը կոչւում է Ս. Լուսաւորիչ, բացի այդ
Երիզայի մօտերը կայ Չարչարանաց Ս. Լուսաւորչի
կամ Տատասկի վանք, որտեղ պահուում էին նորա
տանջանաց գործիքներից մի մաս՝ այն է երկաթէ
տատասկներ, որոնցից երկուսը կան և Ս. Էջմիած-
նի մասունքների մէջ*։ գուցէ այս վանքերից մէ-
կում ևս պահուել է Ս. Լուսաւորչի անունով մի շի-
րիմ։ Այդ զանազան շիրիմներն, անշուշտ, ժամանա-
կի ընթացքումն են յառաջ եկել իբրև ուխտատեղեր.
այդ մի սովորական երեոյթ է Հայաստանի շատ

* Շախաթ. Ա. 75: